



BALITANG PAHAYAGAN

PARA SA AGARANG PAHAYAGAN
Ika-21 ng Marso, 2025

Magparehistro para Makaboto bago ang Ika-24 ng Marso para sa Espesyal na Primaryang Eleksyon sa Distrito Isa

Kung kayo ay nakatira sa Unang Superbisoryal na Distrito sa County ng San Diego at nais ninyong bumoto sa [espesyal na primaryang eleksyon sa Ika-8 ng Abril](#), kailangan ninyong magparehistro bago sa Lunes, Ika-24 ng Marso, upang makatanggap ng balota sa koreo.

Kung hindi man, kailangan ninyong pumunta nang personal sa isang vote center sa distrito simula Sabado, Ika-29 ng Marso upang [magparehistro nang kondisyonal at bumoto nang probisyonal](#) hanggang Ika-8 ng Abril.

Ang taong mahahalal ay magpupunan sa bakanteng posisyon ng distrito para sa natitirang bahagi ng kasalukuyang termino na magtatapos sa Enero ng 2029. Kung walang kandidato ang makakatanggap ng mayoryang boto sa eleksyon sa Ika-8 ng Abril, ang nangungunang dalawang makakakuha-ng-pinakamaraming-boto ay magpapatuloy sa espesyal na pangkalahatang eleksyon sa Ika-1 ng Hulyo. Tanging ang mga naninirahan lamang sa distrito ang maaaring bumoto sa eleksyon.

Ang Distrito 1 ay umaabot mula sa Pacific Ocean hanggang sa mga kabundukan ng Otay at San Miguel sa silangan (east), at mula sa Barrio Logan sa hilaga (north) hanggang sa internasyonal na border ng U.S./Mexico sa timog (south). Kasama sa distrito ang mga lungsod ng Chula Vista, Imperial Beach, National City, at ilang komunidad sa loob ng Lungsod ng San Diego, kabilang ang Barrio Logan, East Village, Golden Hill, at higit pa. Kasama rin dito ang mga unincorporated na lugar ng Bonita, East Otay Mesa, Lincoln Acres, Sunnyside, at La Presa.

Kung hindi kayo sigurado kung kayo ay nakatira sa Distrito 1, maaari ninyo itong tingnan sa sdvote.com.

Ang pagpaparehistro upang bumoto ay mabilis at madali at maaaring gawin sa [online](#) sa sdvote.com. Kakailanganin ninyong magparehistro para makaboto kung kayo ay:

- hindi pa rehistrado sa County ng San Diego
- kamakailan lang lumipat
- nagbago ng pangalan

Kung ang inyong pirma ay nakumpirma sa pamamagitan ng mga rekord sa California Department of Motor Vehicles, ang inyong rehistrasyon ay awtomatikong ipadadala sa opisina ng Tagapagrehistro.



BALITANG PAHAYAGAN

PARA SA AGARANG PAHAYAGAN
Ika-21 ng Marso, 2025

Kung hindi nakumpirma ang inyong pirma, maaari ninyong i-print ang porma, pirmahan ito at ibalik ito sa opisina ng Tagapagrehistro bago sumapit ang ika-5 ng hapon sa Ika-24 ng Marso.

Ang mga porma ng rehistrasyon ay dapat may postmark o maihatid sa opisina ng Tagapagrehistro bago ang Ika-24 ng Marso. Ang mga botante ay maaari ring magparehistro sa online hanggang hatinggabi.

Kung wala kayong access sa computer, maaari kayong humiling ng porma ng rehistrasyon sa pamamagitan ng pagtawag sa (800) 696-0136 o mag-email sa rovmail@sdcounty.ca.gov.

Hindi sigurado kung rehistrado kayo para bumoto? I-check ang inyong status ng rehistrasyon sa [online](https://sdvote.com) sa sdvote.com.

Para sa mga botanteng nangangailangan ng tulong sa wika, ang mga materyales sa eleksyon ay available rin sa wikang Spanish, Filipino, Vietnamese at Chinese.

Ang maagang pagboto ay nagsimula na sa opisina ng Tagapagrehistro mula ika-8 ng umaga hanggang ika-5 ng hapon, Lunes hanggang Biyernes. Ang opisina ng Tagapagrehistro ay magsasara sa Lunes, Ika-31 ng Marso, bilang pag-oberba sa Cesar Chavez Day.

Magkakaroon ng karagdagang mga opsyon para bumoto nang personal simula Sabado, Ika-29 ng Marso, sa pagbubukas ng [pitong mga vote center](#). Magbubukas ang mga ito araw-araw mula ika-8 ng umaga hanggang ika-5 ng hapon hanggang sa huling na araw ng pagboto, Martes, Ika-8 ng Abril, kung kailan 13 mga vote center at ang opisina ng Tagapagrehistro ay magbubukas mula ika-7 ng umaga hanggang ika-8 ng gabi.

Makakahanap kayo ng vote center o isang opisyal na ballot drop box na malapit sa inyo sa loob ng inyong pamphlet ng impormasyon ng botante, o maaari ninyong tingnan ang inyong pamphlet online gamit ang [Tingnan ang Isang Pamphlet ng Impormasyon ng Botante \(Sampol na Balota\)](#) na tool sa sdvote.com.

Matuto nang higit pa tungkol sa pagboto sa [Distrito 1 espesyal na primaryang eleksyon](#) sa sdvote.com, o tumawag sa (858) 565-5800 o toll free sa (800) 696-0136.

###

COUNTYNEWSCENTER   

COUNTY COMMUNICATIONS OFFICE
1600 PACIFIC HIGHWAY, ROOM 208 • SAN DIEGO, CA 92101